



UNIVERSITÄTS-
BIBLIOTHEK
PADERBORN

Universitätsbibliothek Paderborn

Septem Illustrium Virorum Poemata

Amstelodami, 1672

Ad Augustinum Favoritum. De morte Natalis Rondinini, Alexandro VII.
Pont. Opt. Max. ab Epistolis ad Principes.

urn:nbn:de:hbz:466:1-11215

I nunc , & Crassum memora Romana vetustas ,
 In Parthos auri quem sacer egit amor .
 Serviit ille opibus : laudato CHISIUS usu
 Effusæ dominum se probat esse rei .

A D

AUGUSTINUM FAVORITUM.

De morte Natalis Rondinini, ALEXANDRO VII. Pont. Opt. Max. ab Epistolis ad Principes.

Non ita Lampetie casu Phaëthonis acerbo
 Flevit, & ambusto Cygnus in amne Padi ;
 Non ita Pelides , mediâ cùm vidi arena
 Actoriden sparsis cæde jacere comis ;
 Tros Anchisiades non sic Pallante perento ,
 Nec Theseus cari funere Pirithoi ;
 Ut mihi mœsta pio tabescunt lumina fletu ,
 Imaque perpetuos pectora dant gemitus :
 Dum desiderio mentem prefixus inani ,
 NATALIS mutos conqueror ad cineres .
 Crudeles Divos , crudeliaque astra vocanti ,
 Nulla venit misero nocte diéve quies .
 Nec magis , heu ! lacrimis saturatur luctus amaris ,
 Quam matutino rore perustus ager .
 Si fugit interdum , vagus ut Mæander , in orbem
 Mox reddit , & sese decipit ipse dolor :
 Notaque dilecti passim NATALIS imago
 Occurrit madidis obvia luminibus ,

Dulcē

Dulcè loqui fido , velut antè solebat , amico ,
Brachiaque & caras tendere visa manus.
Sive etenim ripam Tiberini propter amoenam
Cernere velivolas , quas vehit unda , rates ;
Et septem geminis latè spectare jacentes
Collibus antiquæ me juvat Urbis opes ;
Pyramidasque novo ductas ad sidera sumtu ,
Et Vaticano templa superba tholo :
Sive suburbanas Latii peragrare ruinas
Mite jubet sancti Principis imperium ,
Albanumque lacum , dilecta rura Minervæ
Posthabitum Romæ visere deliciis ,
Montis ubi quondam per viscera ductus aperti
Fatalis Veiis irrigat arva liquor :
Semper amarities , semper dolor hæret eunti ,
Et cruciat miris anxia corda modis.
Nec vetus Alba gravem potis est mihi demere curam ,
Umbra nec æstivis Tuscula frigoribus ;
Nec nemus Egeriæ , Scythicæ nec regna Dianæ ,
Nec lacus occulti conscius Hippolyti.
Téne malâ , juvenum castissime , fraude novercæ
Distraictum rapidis membra cruenta rotis ;
Téne Coronides mediis è faucibus Orci
Ereptum Triviæ restituisse Deæ ;
Et lætos oculos , roseumque potentibus herbis
Os valuit , nitidas & reparare comas ?
At miserum , ut primæ NATALIS flore juventæ
Occidit indigno flebilis interitu :
Non Pietas , non sancta Fides , non Paſtas , & omnis
Aönidum tanto cultus amore chorus ;
Ipſe nec ætherias revocare ad luminis auras
Sustinuit medicæ Cynthius auctor opis ?

I nunc,

I nunc, & demens animos attolle superbos,
 Et Zephyro plenos finge tumere sinus.
 Finge miser titulos, & grandia munera rerum,
 Et spera Pylii tempora longa senis.
 En jacet exiguâ juvenis compotus in urnâ,
 Promeritus cœptis omnia fausta suis.
 Nam quid ALEXANDRI meritus favor, aut quid honorum
 Spes, & fraternâ fœdera juncta fide?
 Quid præclara domus, genitrix aut profuit illi
 Optima, Caftalias inter habenda Deas?
 Læta quid aspirans rebus Fortuna secundis,
 Et plausuſ totâ maximus Ausoniâ?
 Scilicet exorare nefas est fata, nec ulli
 Parcarum licuit frangere duritiem.
 Non tamen Heroum manes inferna coërcent
 Flumina, nec Stygii pallida regna Jovis.
 Ætherias illos virtus sublimis ad arces
 Evehit, & campis consecrat Elysiis.
 Hic, hîc NATALI domus est: hinc arduus imas
 Sub pedibus terras despicit & maria;
 Miraturque novos orbes, convexaque mundi
 Mœnia, & innumeræ, splendida signa, faces.
 At licet huic longos inviderit Atropos annos,
 Dum meritis implet Solis utramque domum;
 Ne tamen ulla queat nomen delere vetustas,
 Provifum Clario gratulor esse Deo.
 Dum terras atque omne sibi devinciet ævum,
 Curaque ALEXANDER posteritatis erit;
 Dum pius in Venetos animus studiumque canetur,
 Classis & Ægæo Thracia viæta mari;
 Dum referetur amor, quo tristia bella Tyranni
 Ardet in excidium vertere Bistonii,

Qua

Quo res Sarmatiæ, viduataque Cæsare regna
Curat, & impositos Alpibus Helvetios;
NATALI constabit honos, vivaxque manebit
Doctrinæ, & Suadæ nomen, & ingenii.
Semper ALEXANDRI, sacra per vestigia, laudes
Ponè sequens, ibit clara per ora virum.
Tu quoque Pieridum decus, AUGUSTINE, Sororum,
Quo Latium, & tumidis Macra superbit aquis,
Ingenuos mores, & vitam puriter actam,
Cordaque non ullis tacta cupidinibus,
Virtutesque alias cari memorabis amici
Carmine, quod possit nulla abolere dies.
Nam neque signa tuæ spirantia marmore Lunæ,
Nec Polycletea nobilis arte labor,
Longius extendant famam NATALIS in ævum,
Quam tua Mœoniæ proxima Musa tubæ.
At mihi, cui tantum non concessere Camœnæ,
Ut canerem paribus grandia facta modis;
Sat fuerit gelidis extrema dedisse labellis
Oscula, & exangues imbre rigasse genas.
Sat fugientem animam fato legisse supremo,
Et clausisse piâ lumina cara manu.
Sat tumulum lauri foliis ornare quotannis,
Et cineri multâ solvere justa prece.

A D E U M D E M.

*Iniquè artem poëticam viris nobilibus
vitio dari.*

O Cui victurum dictat Polyhymnia carmen,
Sæpe fides digitis tendere visa tuas;

Pone